

Fakafetaui ki manu fakaavaga pula lakau (pollinators)

Te lasiga o komiuniti o manu foliki e galue mo tatou i aso katoa, kae se togi. Mai te fakaavagaga o pula lakau, latou e fesoasoani kia tatou o fakaola a fuaga lakau, pīni, pīnati (nuts) mo fuaga. Fakatasi mo manu foliki konei, a tou fuaga 'toki mo lakau o te fenua (native plants) e ola 'lei.

E fia a manu fakaavaga e mafai o matea ne koe i tou tuakoi (neighbourhood)?



Te manu kai lakau (Longhorn beetle)

Te manu kai lakau se tasi o lago mo manu kai lakau e uke a vaega kae tāua foki a manu konei o fakaavaga a pula lakau o te fenua, e aofia i ei se lau lakau o te fenua (harakeke).



Pī o te fenua (Native bee)

A pī o te fenua e tai 'pau mo hāni pī (honey bees) kae e foliki mālie, e tai uli atu, kae se ū. A pī o te fenua e toetoe olotou alelo, tela la e tafasili i te 'lei o fakaavaga a pula lakau o te fenua.



Hāni pī (Honey bee)

A hāni pī ne au mai ki loto i Niu Sila i te 150 tausaga ko teka ke faite a hāni. I aso nei ko fakaavaga foki ne latou a fuaga 'toki o pisinisi, pela mo fatoaga i fuaga lakau.


Se vaega o manu eva (Tūi)

A vaega o manu eva kola e kai i sua o pula lakau penei mo te tūi mo te manu eva ko te bellbird (io me ko te korimako) e fakaavaga ne latou a lasiga o lakau mo pula lakau o te fenua. E mafai o lagona ne koe e usuusu kōi tuai o matea ne koe.



Se vaega e tasi o te Pepe (Copper Butterfly)

Te vaega o pepe tenei e maua fua i Niu Sila. A latou e foliki, kae ko te kapakau o pepe konei e oko ki te 33mm.



Se vaega e tasi o Pepe (Monarch butterfly)

Te vaega o pepe tenei e kai i te sua (nectar) o vaega o pula lakau konei ko te swan mo te milkweeds. A latou e mafai o maua i tausaga katoa kae ko pepe konei e lasi foki olotou kapakau e oko ki te 100mm.



Se vaega e tasi o Pī (Bumblebee)

E fa vaega o te pī tenei i Niu Sila. E fakaavaga ne latou a nisi pula lakau kola se mafai ne te hāni pī, pela mo tomato.



Se vaega e tasi o Pepe (Red Admiral Butterfly)

Te vaega o pepe tenei e kai i te sua o vaega o pula lakau konei ko te nettle mo te buddleia, mo sua o te lakau ko te beech. A te kapakau o pepe konei e oko ki te 50-60mm.

